

Bahagian A

Morfologi/ Frasa/ Sintaksis/ Peribahasa



Soalan 1 - 2

Lengkapkan ayat-ayat yang berikut dengan memilih jawapan yang paling sesuai.

1. Penceramah itu menyatakan punca bencana alam yang berlaku pada ketika ini _____ kerakusan manusia merosakkan sumber alam.
A dari C pada
B oleh D daripada

2.



Khairul membantu nenek memasukkan selembur benang ke dalam lubang se_____ jarum.

- A laras C batang
B bentuk D puntung

Soalan 3 - 4

Pilih ayat-ayat yang menggunakan perkataan berhuruf condong dengan betulnya.

3. I Harga minyak di pasaran yang *jatuh* minggu lalu naik mendadak pada hari ini.
II Hari Raya Aidilfitri pada tahun ini *jatuh* pada hari minggu.
III Zarif *jatuh* sakit selepas makan di warung itu.
IV Danial mengutip buah durian yang *jatuh* di kebun Tok Aki.

- A I dan II sahaja
B III dan IV sahaja
C I, II, dan III sahaja
D II, III, dan IV sahaja

4. I *Muka* jalan yang licin merupakan antara faktor kemalangan jalan raya.
II Ayah menasihati kami supaya belajar dengan tekunnya untuk kesenangan pada hari *muka*.
III Akibat terlalu diberi *muka*, budak itu bertambah nakal dan degil.
IV *Muka* pengantin itu berseri-seri setelah disolek oleh mak andam.
A I dan II sahaja
B III dan IV sahaja
C I, II, dan III sahaja
D II, III, dan IV sahaja

Soalan 5 - 6

Bahagian yang **bergaris** dalam ayat-ayat berikut **mungkin mengandungi kesalahan penggunaan bahasa atau mungkin juga tidak**.

Tandakan sama ada A, B, atau C jika ayat itu mengandungi kesalahan dan tandakan D jika tiada kesalahan.

5. Jiran-jiran di taman perumahan saya saling bantu-membantu setiap kali ada kenduri.
A bantu-membantu tiap kali
B saling membantu tiap-tiap kali
C saling bantu-membantu tiap kali
D saling bantu-membantu setiap kali



6. Seorang pegawai yang berpangkat tinggi di syarikat itu telah mendakwa di mahkamah atas tuduhan rasuah.
- A didakwa di mahkamah atas
 - B didakwa di mahkamah di atas
 - C mendakwa di mahkamah di atas
 - D mendakwa di mahkamah atas

Soalan 7 – 8

Pilih ayat-ayat yang betul.

7. I Setiap petang, nek ngah menghalau semua ayam peliharaannya masuk ke dalam reban.
II Saya menunggu Kak Diana di stesen bas selama satu jam suku.
III Tiga orang kanak-kanak berkejar-kejaran dengan riangnya di taman.
IV Bersenam seminggu ketiga kali memang baik diamalkan.
- A I dan II sahaja
 - B III dan IV sahaja
 - C I, II, dan III sahaja
 - D II, III, dan IV sahaja
8. I Mak Ani tekun menjahit baju kurung-baju kurung yang ditempah oleh para pelanggannya.
II Hasnah terpaksa mengambil cuti kecemasan pada hari ini kerana ibunya dimasukkan ke hospital.
III Pasukan bomba mencuba dengan sedaya upaya untuk menyelamatkan mangsa-mangsa kebakaran itu.
IV Peserta-peserta larian itu berusaha dengan bersungguh-sungguh untuk menamatkan larian demi mengejar gelaran juara.
- A I dan II sahaja
 - B III dan IV sahaja
 - C I, II, dan III sahaja
 - D II, III, dan IV sahaja

Soalan 9

Pilih ayat yang mempunyai maksud yang sama atau maksud yang paling hampir dengan ayat yang dicetak tebal.

9. "Murali, jangan buang makanan itu, membazir," kata Sujatha.
- A Sujatha menyuruh Murali supaya membuang makanan itu kerana membazir.
 - B Sujatha mengarahkan Murali supaya tidak membazirkan makanan yang dibuangnya itu.
 - C Sujatha melarang Murali membazirkan makanan itu dan membiarkan makanan itu dibuang.
 - D Sujatha menegah Murali daripada membuang makanan itu kerana perbuatan itu membazir.

Soalan 10

Pilih peribahasa yang paling sesuai.

Menepuk air di dulang, terpercik ke muka sendiri

13. Peribahasa di atas membawa maksud
- A melakukan sesuatu perkara hendaklah sentiasa berhati-hati.
 - B seseorang yang suka mengata orang lain tetapi diri sendiri juga tidak betul.
 - C seseorang akan menerima akibat daripada apa-apa yang dilakukan olehnya.
 - D diri sendiri mendapat malu akibat menceritakan keburukan keluarga kepada orang lain.



Pemahaman Petikan

Baca bahan di bawah dengan telitinya dan jawab soalan-soalan yang berikutnya.

Soalan 11 – 15 berdasarkan bahan di bawah.

DATUK PENGHULU: Begini, Pak Mail. Encik Musa datang ke sini kerana ada tugas.
 PAK MAIL: Oh, begitu! Apa halnya, Encik Musa?
 ENCIK MUSA: Begini, Pak Mail. Saya datang ini untuk menyampaikan penghargaan negara kepada keluarga Pak Mail kerana kematian Sarjan Akhbar semasa bertempur di sempadan dahulu. Kami bersimpati benar dengan keluarga Pak Mail, terutamanya kepada Puan Fauziah dan dua orang anaknya.
 PAK MAIL: Terima kasihlah, Encik Musa. Kami memanglah sedang menghadapi masalah sekarang ini, terutamanya dalam hal persekolahan Hayati. Hari ini dia pulang dari asrama.
 ENCIK MUSA: Mengapa begitu, Pak Mail?
 PAK MAIL: Masalah belanja, Encik Musa. Nampaknya saya terpaksa *mencari satu punca tetap* untuk membantu persekolahannya. Saya sudah pun memberitahu Tuk Penghulu akan hal ini.
 DATUK PENGHULU: Betul, Encik Musa. Saya akan berikhtiar untuk mengatasi masalah yang dihadapi oleh Pak Mail sekarang. Pak Mail tentu tidak dapat mengharapkan pencen bulanannya yang sedikit itu untuk menyara keluarga.
 PAK MAIL: Betul, Tuk.
 ENCIK MUSA: Begini, Pak Mail. Kedatangan saya ini juga untuk menyampaikan sekeping cek yang bernilai sepuluh ribu ringgit untuk Puan Fauziah. Di manakah Puan Fauziah sekarang, Pak Mail?

Dipetik daripada drama 'Hadiah', Antologi *Kuingin Berterima Kasih*, Tingkatan 1, Kementerian Pendidikan Malaysia

11. Berdasarkan petikan drama, apakah maksud frasa *mencari satu punca tetap*?
 A Mengatasi masalah
 B Mendapatkan pekerjaan
 C Mengkaji penyebab utama
 D Mencari jalan penyelesaian
12. Yang berikut ialah tujuan kedatangan Encik Musa ke rumah Pak Mail **kecuali**
 A memberikan cek kepada keluarga Pak Mail.
 B menyampaikan perasaan simpati kepada keluarga Pak Mail.
 C melaporkan berita kematian Sarjan Akhbar dalam pertempuran.
 D menyampaikan penghargaan negara kepada keluarga Pak Mail.
13. Yang manakah **bukan** latar masyarakat yang terdapat dalam petikan drama tersebut?
 A Masyarakat yang terdiri daripada warga emas yang sudah pencen
 B Masyarakat yang amanah dalam menjalankan tugas
 C Masyarakat yang suka mencampuri urusan keluarga orang lain
 D Masyarakat murid yang prihatin akan nasib keluarga
14. Apakah masalah yang dihadapi oleh Pak Mail?
 A Masalah kewangan
 B Masalah kematian Sarjan Akhbar



- C** Masalah Hayati pulang dari asrama
D Masalah kesukaran mendapatkan pekerjaan
15. Apakah kesudahan drama *Hadihah*?
- A** Puan Fauziah terpaksa bekerja untuk menyara kehidupan keluarganya.
B Hayati tidak dapat menyambung persekolahannya.
- C** Pak Mail terus mencuba untuk meminta bantuan daripada pelbagai agensi kerajaan.
D Hayati dapat menyambung persekolahan setelah mendapat bantuan daripada Kementerian Pertahanan.